

65. **Գառնու ձորը** սկսվում է Գեղարդավանից և Ազատ գետի հոսանքով հասնում է մինչև Դվին, ըստ Ալիշանի՝ մինչև Խոր Վիրապ:

66. Մեզ թվում է պատմիչը Ուրծածոր ասելով հասկանում է Վեդիից հյուսիս-արևելք ընկած տարածքները, որտեղ Պարույր Սևակ գյուղն է և Ջանգալատունը: Իսկ Ալիշանը Ուրցածորը համարում է Վեդի ավանը:

67. **Բասենը** Մեծ Հայքի Արարատ նահանգի գավառներից է, որ տարածվում է Արաքսի վերին հոսանքների շրջանում: Մի ժամանակ սահմանը հասել է մինչև Վանանդի շրջանը (Կարս): Բասենը բաժանվում է երկու մասի՝ Վերին և Ներքին:

68. **Խնուսը** Կարինի (Էրզրումի) վիլայեթում քաղաք է նույնանուն շրջանում:

69. Մանագլեքտը Մեծ Հայքի Տուրուբերան նահանգի Ապահունիք գավառի կենտրոնն է:

70. **Արծկեն** Մեծ Հայքի Տուրուբերան նահանգի քաղաքներից է Վանա լճի հյուսիսային ափին:

71. **Արճեշը** Մեծ Հայքի Տուրուբերան նահանգի Աղիովիտ գավառի քաղաք է: Վանա լճի ափին, որ այժմ մեծ մասամբ ջրի տակ է անցել:

72. **Բերկրին** Մեծ Հայքի Վասպուրական նահանգի Առբերան գավառի քաղաք է Վանից 77 կմ արևելք: Մինչև 1915 թիվը Բերկրիում բնակվում էր ավելի քան երկու հազար հայ:

73. **Հայսմավուրքը** եկեղեցական գիրք է, որտեղ ըստ կարգի գրված են սրբերի վարքերն ու մարտիրոսությունները: Մի ժամանակ մեր եկեղեցիներում ըստ տոնացույցի կարդում էին այդ վարքերը: Վարքերը սկսվում էին. «Յայսմ աուրք տօնն է սրբոյ Գրիգորի Նարեկացոյ»: Յայսմ աուրքից առաջացավ այսօրվա «Հայսմավուրքը»:

74. **Կայանի ձորը** Մեծ Հայքի Գուգարք նահանգի Ջորովոր գավառն է Աղստև գետի միջին հոսանքում: Այս գավառում է գտնվում հռչակավոր Մակարավանքը Աչաջուր գյուղի մոտ:

75. **Միափորը** գավառ է և գյուղ այժմյան Տավուշի մարզում: Հնում Շամշադինը բաժանվել է երեք գավառի՝ Միափոր, Տավուշ, Ջակամ:

76. **Աղջո վանքը** վանքային համալիր է Կոտայքի շրջանի Գեղարդավանից 7 կմ հարավ Ազատ գետի ձախ ափին՝ բարձունքի վրա: Գլխավոր եկեղեցին կառուցվել է 13-րդ դարում:

77. **Աստապատը** Մեծ Հայքի Վասպուրական նահանգի Նախիջևան Գավառի գյուղերից է՝ Արաքսի ձախ ափին:

78. **Ջուղան** Արաքսի ձախ ափին տեղակայված հարուստ քաղաք էր 17-րդ դարում: Գտնվում էր Մեծ Հայքի Սյունիք նահանգի Երնջակ գավառում: 16-17-րդ դարերում զարմանալի զարգացած ու փարթամորեն հարուստ քաղաք է եղել, ունեցել է մինչև 40 հազար հայություն: 1604 թվին

Շահ Աբասը Կենտրոնական Հայաստանի հայերի հետ գաղթեցրեց նաև Ջուղան և քաղաքը հիմնահատակ կործանեց, հրդեհեց: Իբրև շնորհ Ջուղայի հայերի համար Սպահանի մոտ կառուցեց մի այլ Ջուղա՝ Նոր Ջուղա անունով:

79. **Դղբաշները** իրանական թուրքեր են: Այդպես են կոչվել կարմիր վարշամակով գլուխները կապելու պատճառով:

80. **Դլաք, վլաք** իրանական փոքրաթիվ ցեղեր են:

81. **Անուշ (Անհուշ) բերդը** Պարսկաստանի հարավում բերդամրոց է, որտեղ կալանավորվածը անհուշ ցմահ մնում էր այնտեղ: Այստեղ կալանավորեց պարսից Շապուհ արքան հայոց Արշակ Բ թագավորին:

82. **Կավակերտի** մասին Ալիշանը ասում է, թե Արարատյան դաշտում Հրազդանի ափին գյուղ է եղել, այժմ տեղը հայտնի չէ:

83. **Սապատի**, ըստ երևույթին պատմիչը Սապաքը շփոթում է Սահաթի հետ, որ ըստ Ալիշանի՝ մերձագույն սահմաններն են կոչվել:

84. **Աղվանք** ասելով պատմիչը Արցախն է հասկանում:

85. **Գանձակը** (Գյանջան) Մեծ Հայքի Արցախ (Փոքր Սյունիք) նահանգի քաղաքներից է, որ կոչվել է Կիրովաբադ (այժմ Գյանջա):

86. **Գանձասարը** Արցախի Մարտակերտի շրջանի Վանք գյուղի մոտ բարձունքի վրա կառուցված մի ճարտարապետական հույակապ վանքային կերտվածք է, որի կառուցումը սկսվել է 13-րդ դարի սկզբին (1216 թ.):

87. **Սաղմոսը** Աստվածաշնչի Հին կտակարանի գրքերից է, որի հեղինակը համարվում է Իսրայելի թագավոր Դավիթը:

88. **Խնկեղձորը** կամ **Չորագյուղը** գտնվում էր Երևանի Սուրբ Սարգիս եկեղեցուց ներքև Հրազդան գետի ձախ ափին՝ ձորի մեջ:

89. **Կվաշը** և **Վժանը** (Ուջան) Աշտարակի շրջանի գյուղերից են:

90. **Կարքին** Աշտարակի շրջանի խոշոր գյուղերից է, պատմիչը այն կոչում է գյուղաքաղաք:

91. **Քասաղ գետը** սկիզբ է առնում Փամբակի լեռներից, անցնում է Նիզ գավառով, Աշտարակով, Օշականի մոտով մտնում է Արարատյան դաշտը և խառնվում է Մեծամորին:

92. **Եկրատանը** եղել է մարերի մայրաքաղաքը Իրանի արևմուտքում: Նրա տեղը կառուցվեց Համադան քաղաքը:

93. **Թոխաթը** Թուրքիայի քաղաքներից է, որ կոչվում է նաև Եվդոկիա: 1915 թվին այս քաղաքում հայերի թիվը 14 հազար էր: Եվդոկիայի գավառում կար 24 հայկական գյուղ: Եվդոկիան Մեքսատիա տանող ճանապարհի վրա է:

94. **Շամիրակերտը** Վանն է:

95. **Կաղզվանը** գտնվում է Արաքսի վերին հոսանքներում, աջ ափին, այժմ քաղաք է միևնույն գավառում: Մեծ Հայքի Այրարատ նահանգի